

聲聲震耳而守者未之知也噫鄉人愚而且貪祇知利己不知損人是宜定其準則毋許任意裝載柴草庶幾得以免生事端乎

道批照錄

○河間縣職官裴祖誥等稟批據稟已悉查地方紳民保官長向干例禁此大所請仍不准行爾等應毋庸議此批
○鹽山縣監生孫元稟批盜賊竊取物件誠屬園閭之害該監生家於八個月之間兩次被竊該縣職官一無大獲捕務
承屬廢弛應於該令振刷精神認真整頓務期賊匪速破後再加再仍前遲延必行嚴參爾亦應回籍安度勿得來輕廢置仰即遵照勿違
縣批錄要 ○天津縣民婦王氏稟批家務細故當邀同親族以情理論得率與訟端呈不列抱違例特飭○趙蔚林呈批據呈已
悉姑候即行飭差嚴緝失事附兩即靜候辦理可也此批○民婦李氏呈批被竊各節候即集案復驗訊究該氏毋得持婦誣切切此批○
邵鳳岐稟批稟支離不無粉飾毋論連年陳欠官固難為消問且又無借字可憑尤難准理爾即自向安討毋得與訟仰即遵照勿得違
此批

保定新聞

大令履新 ○委署寧晉縣陸百泉大令紹源現已領委於月之二十一日由省起程前赴任所聞定於一月朔日接篆任事書吏等
皆已預辦一切云

保定官場紀事

○署理任邱縣張大令繼斌雄縣郭大令東槐均進省稟見上憲現已由省回任 定州徐子樹直刺銘勳景州白
鏡江州牧冠瀛深澤郭仲軒大令文蒼現均來省稟見各憲云

山東新聞

觀燈受辱 ○省垣每屆上元燈節開張異常新正望夕大街中燈輝煌觀者之多幾似人山人海有一婦人年纔一旬坐車攬入
人叢中觀玩霎時有人擁擠有妙手空空者竟將該婦攬入車中而去該婦之狀不堪堪堪好者見其啼哭不止擊之出外雇車
探之回家嚮者粉白黛綠而來今則蓬頭跣足而去凡戲無益而況婦女乎咎由自取吾不之惜也

營口新聞

花會漸萌 ○營地花會盛行海防廳咸司馬嚴行禁止後此風遂息今歲新正以來各處賭局林立而昔之聚為花會者紛集一
處復蹈故轍若不從嚴懲究竊恐為害匪小想司馬嫉惡如仇必不使萌蘗復生也

吉林新聞

練勇獲盜 ○吉省訪事人遞來尺書云前月有練勇一隊在土家屯地方獲着著名竊匪一名年二十餘兩目炯炯凶悍異常其所
著衣服外則藍布短衫內則紅洋緞狐皮女襖也該勇因天色已暮暫在順興店小憩即稟報送入發審局管押云

東南各省新聞

中國女學堂與北南洋大臣稿 ○三品銜道員用候選知府經元善一品頂戴儘先選用道鄭官應
二品頂戴道員用留直補用知府施則敬記名總兵留閩儘先補用副將陳季同候選通判康廣仁五品銜廣東即補鹽大使袁梅舉人梁啟
超 稟報創設中國女學堂請在備賑生息項下撥規銀三千兩津貼常年經費乞賜批准咨明盛京堂由 敬稟者竊卑府等見我中國
旁習西學漸圖自強各省大憲設立中西學堂先於本原之地培植其根抵薄海士民同深仰伏維治國之要必本齊家事理之繁尤資內助
但我國人心蔽錮咸以為婦女不必讀書然以經義求之白虎通曰婦人所以有師何學事人之道也然則不學不事以事人明矣詩又云言
告師氏昏經曰國君取大夫之妾士之妻老無子者而明于婦道祿之使教宗室五屬之女此即女教師女學徒也至於烈烈貞節劉子政已
著竹書萬壽言曹大姑能為女誠斯又其學成者矣由此觀之我中國豈無女學豈無道德之女士哉徒以結習已久無人振起之耳夫以
泰西而論則十家之堡二十家之城無不男女并設學堂中女士之多者數百人少亦數十或習醫習格致習商工習政學無不專門講求
以致其極以故歐洲諸國學校之費歲支數百萬金而英美尤甚學費幾與兵費等故今西婦多有知學而國亦由是強矣 此稿未完

外國新聞

注意民爭 ○巴黎來信云勒便沙文納鎮地有法人與意大利國人爭鬧打死十二人傷者十八人在意京法公使署所有門窗均
被意人拆毀該處巡捕頭目因此事已輕車重查此次係意民啟釁意民素與法人不合所致後聞兩國大臣業已議和然意國官府情甘
認錯而百姓尚不願云 譯彼得堡報